



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1518485

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

21 նոյեմբերի 2022թ.

ք. Երևան

(կազմման վայրը)

Ակտի հասցեատեր

«Է.Ս.Է ՕԻԼ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	1	2	8	6	8	5	7
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Նազարբեկյան թաղ. 12/17

(անհատ ձեռնարկատիրոջ հաշվառման հասցեն կամ իրավաբանական անձի գրանցված վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 03.11.2022թ-ի թիվ 1518485 որոշման համաձայն ՀՀ տարածքում մատակարարվող կամ տեղափոխվող ապրանքների, արտադրանքի փաստաթղթային պարտադիր պահանջների խախտման հանգամանքների պարզաբանման նպատակով «Է.Ս.Է ՕԻԼ» ՍՊԸ-ի նկատմամբ իրականացված օպերատիվ-հետախուզական միջոցառումների արդյունքում ձեռք են բերվել փաստական տվյալներ առ այն, որ ընկերությունը ՕՀՄ-ի շրջանակներում առանց համապատասխան ուղեկցող փաստաթղթերի կատարել է ապրանքների տեղափոխում:

Իրականացված ՕՀՄ-ի շրջանակներում ՀՀ ՊԵԿ ՀՕՀ-ի աշխատակիցների կողմից 03.11.2022-ին ժամը 16:29-ից արտաքին դիտման տակ է դրվել ընկերությանը պատկանող գ.Փարաքար, Գասպարյան 43 հասցեում գործող բենզալցակայանը, որտեղ տվյալ պահին կատարվում էր «Գազ» մականիշի 35 XD 413 հաշվառման համարանիշի բեռնատար ավտոմեքենայից հեղուկ վառելիքի բեռնաթափում: Ընկերության կողմից տեղափոխվող ապրանքների փաստաթղթային ձևակերպումները ճշտելու նպատակով վերը նշված հասցեում կայանված «Գազ» մականիշի 35 XD 413 հաշվառման համարանիշի բեռնատար ավտոմեքենայի վարորդի ներկայությամբ իրականացվել է ավտոմեքենայում առկա հեղուկ վառելիքի և դրա համար ուղեկցող փաստաթղթերի առկայության հետազոտություն, որի արդյունքում պարզվել է, որ ավտոմեքենայում առկա էր 2.418 լիտր ԱԻ 92 բենզին և 300 լիտր դիզելային վառելիք:

Համաձայն ընկերության տնօրեն Վարդան Մկրտչյանի գրավոր հայտարարության, 2.418 լիտր ԱԻ 92 բենզինը ձեռք է բերել «Նոր Օյիլ» ՍՊԸ-ից, իսկ 300 լիտր դիզելային վառելիքը տեղափոխել է «Է.Ս.Է. ՕԻԼ» ՍՊԸ-ին պատկանող ք. Երևան, Իսակովի 23 հասցեում

գործող բենզալցակայանից: Տեղափոխված դիզելային վառելիքի համար Վարդան Մկրտչյանի մոտ առկա էր ՀՀ Հարկային օրենսգրքով սահմանված համապատասխան ուղեկցող փաստաթուղթ: Համաձայն Վարդան Մկրտչյանի գրավոր հայտարարության, դիզելային վառելիքի 1 լիտրի արժեքը կազմում է 600 ՀՀ դրամ:

ՀՀ ՊԵԿ տեղեկատվական բազայում առկա տվյալների հետազոտման արդյունքում պարզվել է, որ 03.11.2022-ին ժամը 16:29-ի դրությամբ ընկերության կողմից վերը նշված վավերապայմաններով տեղափոխված ապրանքների համար դուրս էր գրվել համապատասխան ուղեկցող փաստաթուղթ:

Իրականացված ՕՀՄ-ի արդյունքում պարզվել է նաև, որ ընկերությունը առանց համապատասխան ուղեկցող փաստաթղթերի կատարել է ընդհանուր 180.000 ՀՀ դրամ արժեքով (300 լիտր x 600 ՀՀ դրամ) ապրանքների տեղափոխություն:

Թիվ 1518485 արձանագրությամբ 04.11.2022թ. հարուցվել է վարչական վարույթ: Կողմը, պատշաճ ծանուցված լինելով ներկայացել է 16.11.2022թ. նշանակված վարչական վարույթի լսումներին և ներկայացրել է գրավոր առարկություն:

Առարկությամբ նշել է, որ վերոնշյալ տեղափոխության ժամանակ ժամը 15:20-ին չի աշխատել (E-invoice) ծրագիրը, որի արդյունքում հաշվարկային փաստաթուղթը դուրս է գրվել 5 րոպե ուշացումով: Նշել է նաև, որ նույն օրը ընկերության կողմից դուրս են գրվել այլ հաշվարկային փաստաթղթեր, ուստի խնդրել է հաշվի առնել վերոգրյալը վարչական պատասխանատվության չենթարկել:

Վարույթ իրականացնող մարմինը ուսումնասիրելով գործում առկա փաստաթղթերը և ուսումնասիրելով ՀՀ ՊԵԿ-ի պաշտոնական ինտերնետային կայքը հարկ է համարում նշել, որ 03.11.2022թ-ին ինտերնետային կայքում ծրագրի խափանման վերաբերյալ տեղեկություններ չեն արձանագրվել:

Ուսումնասիրելով ընկերության կողմից վկայակոչված փաստարկները, համադրելով դրանք գործող իրավակարգավորումների և վարչական վարույթի ընթացքում ձեռք բերված փաստական տվյալների հետ հարկ է նշել, որ սույն գործով «Է.Ս.Է Օիլ» ՍՊԸ-ի նկատմամբ պատասխանատվության միջոց չկիրառելու հիմքերը բացակայում են:

Այսպիսով, «Է.Ս.Է Օիլ» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայությունների մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է

տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 հազար դրամից:

Տվյալ դեպքում «Է.Ս.Է Օիլ» ՍՊԸ-ի կողմից խախտումը վերջին 1 տարվա ընթացքում կատարվել է առաջին անգամ: Ապրանքների ընդհանուր գումարը կազմում է 180.000 ՀՀ դրամ, որի 50 տոկոսը կազմում է 90.000 ՀՀ դրամ, ուստի օրենսդրական պահանջից ելնելով «Է.Ս.Է Օիլ» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

1. Հաշվարկել և «Է.Ս.Է Օիլ» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

տնօրեն Վարդան Մկրտչյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրադրության ընդունման համար
պաշտոնատար անձ՝ հարկով առաքման դեպքում)

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)